




Baling izeto nyelowi torkonom, ittona Tamutadden anjilo Gaburel kuk rok Nazareth, orog ci aave looce ci Galili, okko rok buuwec ci ngen kataguzzo ki eet imma udut, arrahek ol eet ci een Yosevo kitik, een enne boorit co Davide. Azi zar cik buuwec neci ne Mariya.



Maije anjilo anne nonno ne, “Ma ongoole gii imma Mariya, irezi innet Tamutadden. Anyakce atin inna kar tirra dolec ci maci, kar katek nonno zar cik een Yesu. Ommog atin enne ol dook kar ol kutuwec nonno kize Ngerri wa Ommog Veelek. Aanyik atin Manyi Tamutadden nonno lecer ci jjitine Davide, abal atin enne ceez ci Yakobo udut; irong baalinet cinne aturneke.”



Ij̄j̄in zin M̄ariya anjilo, “Akk̄u atin zoz  
necu k̄u, ming kēen̄i anna buuwec,  
ngen anna kaṭaguzza ki ēet imma  
udut?”



Q̄b̄ōd̄ēk̄ z̄īn̄ ān̄j̄īl̄ō c̄ī T̄ām̄ūt̄ād̄d̄ēn̄ō  
nonno ān̄n̄ēk̄ n̄e, “Abuweki atin  
T̄ām̄ūt̄ād̄d̄ēn̄ Vongiz ci Āl̄īl̄ē komize  
cinne, kar komizi ci Manyi wa  
Ommog Veelek kubungin kar  
atin īn̄n̄ā nyaho niko.  
Ming īd̄d̄īk̄īr̄ wa Āl̄īl̄ē  
Q̄d̄ē T̄ōk, āḡḡā atin  
ol nonno  
ming een Ngerri  
T̄ām̄ūt̄ād̄d̄ēn̄ō.



Imma iiten neci itinga Maṛiya kar kiyik kuk  
orge ci aave ziira looce ci Judeya, ngati okko  
enne izowe ceez ci Zakaria kar kizza  
Elizabeth. Baling izik  
Elizabethi zawinet ci  
Maṛiya, ingoz zin dolec  
kenge cinne, kar  
Elizabethi kumuda  
Vongiz ci Alile.  
Egereny zin enne  
muluwe ci appwe,  
“Amayuwe inna orgene  
ci ngaanu, amayuwe  
dolec ci okko atin



inna arrita ko!”



Een necu gool ci kar Yesu Kiristo kitirrai. Owo baliye yaatinne eeti ci azi zara ne, Yosevo ci bali orong kar kitik Mariya ladun. Baling ngen Yosevo kavvuto ki Mariya ngatode, agga da Mariya ele cinne ming anyakce Vongize ci Alile Tamutaddeno. Een Yosevo eet ci abunna oroot, irong oowik buuwec cinne ngoot kaggac ol dook. Icin niko izong, orong kar kutungek Mariya looc lomuk.



Imma zin baling ngen enne inon zoz necu niko, ikiyak nonno anjilo ci Manyi onozowe, anne nonno ne, “Yosevo ngerri Davide, een dolec ci atin anyak Mariya ko, dolec ci arike Vongizi ci Alile, ma ongoole zoz imma, bit tik nonno labak. Imma atin vurta, ming itiryai, akattek dolec zar cik azi ne Yesu, eci okko atin enne eela ol ciginnek munyene.”



Baling okko Yosevo ingazi unyahe, utugu kaal balik  
uduwak nonno anjilo ci Manyi ke, idima zin enne Mariya  
itik kize ngaa cinne, Ma zin nginatu niko,  
irong Yosevo ngen okko kar katanguzzo  
buk zee kitirrai dolec. Avvu Mariya  
izong, kutuyai kar Yosevo kakatek  
zar cik een Yesu.



Okko erkite neci abale Augusto alaan ci addikire Romi ke looc, itton zin enne zoz ci ovvoye olli Romi dook teherinet zar orogjowe.  
Oot zin ol dook orogjowe cik beetiggek teherinet.



Itinga Yosevo orge ci azi zar ne Nazeret, Galiliya, uk rok looc ci een Judeya, Betelema orog ci Davide, eci Yosevo akku tatuge ci Davide. Okko enne ngingati ovvo eher zar ki Mariya, ci araktek ol



nonno kar atin

kitik kize ngaa cinne, anyak da Mariya dolec kenga.



Baling ngen nege aavtte  
nginati, ikiya iiteni ci  
okko Mariya arrita dolec,  
kar zin enne kitira dolec  
ci een abu, ci maci.



Uluccek nonno ruumani kar karikibo, eci illoi ceez ci adungne nege.



Aavtte da tuwayowa uggak abanyca, abak boora ebek  
kaal ciggek baal. Iyelek zin anjilo ci Manyi nogo ele,  
kar dingdingoni ci Manyi kiyelai  
ngatinneng, kar nege



kotongoolte  
looc.



Maije anjilo annek nogo ne, “Ma ongoolinnu gii imma.  
Kanyahakung anna iget kaviyak cik abunna anyak  
talninet ci appwe ci ollu dook. Wazin  
necu orge ci Davide arritai

Tirizoiti  
kize  
cunnong;  
een enne  
Kiristo Manyi.”



“Een atin neci baayenit cinnong: Amudannu atin niga dolec ci maci aluce ruuma kar katangu ibowa.”



Ataman niko iyeltai koole ci appwe avvu tamu-kenga ki anjilo, innat Tamutadden azi ne, “Anycik dingdingon Tamutadden, taddena, kar loota gano ci ol cik diirik



cik elemi  
Tamutadden.”

Baling utungtek anjilonya nogo looc kar koot  
tamu-kenga, izeto tuwayowa do ne, “Kivita koo  
Betelema kar kicinnet kaal cik aduwakket Manyi  
ko.” Iyihet zin nege ataman kar kurubta Mariya  
ki Yosevo, ki dolec ci adunge  
ibowa.



Baling icinnet nege dōlēc, kar zin kuḍuktak  
ol kaviyak balik aḍuwak anjilo nogo zoze ci  
doleco ke, imma ol balik iziyyet zoz neci,  
ukultek nege jeen zoze bali aḍuwak  
tuwayowa nogo ke.



Baling aritai Yesu  
orge ci een zara  
Betalem looce ci  
Judeya ke, itene  
bali Alaan  
Herod aggam  
ol ke.

Imma zin itene neci, anyak  
da baliye erennok cik avvu eci  
jeeni, avvunak Jerusalem,  
kar kijjinnet ol azi ne, “Aave dolec  
wa bali aritai kar kize atin alaan ci  
Yaudo ko nga?”



“Kicinnta  
munyunyoc cinne  
eci jēno, kavvunna  
kar kivita  
kidingdinganta  
nonno.”



Imma zin nginatu niko, utu Herodi erennok neke genyiza, kar kijjin iiten ci acine nege munyunyoc ko, orong enne kar kagga nginti arritane Yesu. Itton zin iye Herodi erennok neke koot Betelema, kar kizek ne, “Oot icinnet dolec jurrum. Ming umuddau nonno, ivita uduktang, kar kuk anna buk kidingdingan nonno.”



Baling ovvo nege aziye zoz ci alaano niko, oota, maije munyunyoc bali acinnek nege jeen orge cinneng ke,

avvu oowe cinneng zee kar kuk kibil nginati arritane dolec ci een Yesu ko otone ci nyigjo.

Ittozzo ceez ci arritane ol Yesu ko, icinnet abarik dolec ki yaatinne Mariya, akattek nege uzungtti looc kar kidingdiganit nonno.



Idimtta mucu ciggek aanyik nonno. Adima nege dhahab  
ki maal ci ongooli laala ki lotagong kize mucu ci anyike  
nege nonno. Imma vurta, uduwak  
Tamutadden nogo onozowe  
annek ne, ma ngen ovvoyyu  
rok alaan ci een Herod. Idimtta  
zoz necu aartik iin,  
imirtte oot looce  
cinneng goole  
immane.



Baling ovvo erennowa amire,  
maije anjilo ci Manyi iyelek  
Yosevo onozowe ele  
annek ne, "Tinga jeena, iyik  
niye dolc necu ki yaatinne  
bite looce ci Masiro! Bit  
avvu nginati zee,  
kuduwai kizei ne, mire  
eci alaani ci een Herod,  
orong dolc



necu kar kuruk kadak."



Imma bali baalın neci, itinga  
Yosevo uwe dölęc ki yaatinne  
rok looc ci Masiro. Avvuto zin  
nege looce neci zee kađak  
Herodi. Ikiya zoz ci Manyi ko  
ize dede goole bali  
aduwa aritoiti ke, azi ne,  
“Kawu atin anna  
ngeranni Masire.”




Baling okko Herodi agga ulutet  
erennowa neke nonno niko,  
omoze, izek aciir ne, uruwet  
dooli cik macik aavtte Betelema  
ko dook ki cik aavtte ojonun  
anyak erkinya ram ki dooli  
cikidik veelek.



Ma bali vurrtā, ngati adahe  
Herodi, iyelek anjilo ci Manyi  
Yosevo ele baling ngen  
Yosevo ngen aave Masire  
ke. Annek anjilo nonno ne,  
“Tinga jeena, bite Mariya  
ki dolec looce ci een  
Israil eci ol balik orong  
kuruwet nonno ke,  
adaito.”



Baling okko enne aziye  
azi ne, ize dōlēc ci  
een Archelaus ci  
Herōdī alaan ci Jūdeya,  
ōtongōole iróng  
ngen



okko ngingati. Imma bali  
ōnōzōwe ūduwāk  
Tāmūtadden nonno ānnēk ne,  
bit zin lōoċe ci Galīlī.



Oot zin nege avvut  
orge ci een Nazeret.  
Ize ne, ize zoz bali  
uduwa Tamutadden  
ke, dede, ki  
baling



aduwa aritoit  
azi ne, “Akanonik atin  
dolec zara cik azi ne, Nazarene.”



Eci Tamutadden irez ol dook oroot,  
kar zin kaanyik Ngerinne wa ode tok  
niko keela nogo, ming anyak ol cik  
atu nonno, amuda atin nege  
ruget wa aave udut.



Roma 3:23 Eci ol d<sub>o</sub>ok anyak ba<sub>c</sub>inn<sub>o</sub>k cik m<sub>u</sub>ny<sub>e</sub>nu, ir<sub>o</sub>ng zin naga ngen kazuca d<sub>i</sub>ngd<sub>i</sub>ng<sub>o</sub>n ci Tam<sub>u</sub>t<sub>a</sub>dden<sub>o</sub>.

Roma 6:23 Aanyyet m<sub>u</sub>ny<sub>e</sub>na daiz, okko zoz ci Tam<sub>u</sub>t<sub>a</sub>dden<sub>o</sub> aanyyet baiz ci aave udut ngati Manyitinna Yesu Kiristo.

Iburu 9:27 Izikto da jurrum, ogon zin zoz necu ki ming adai eeti ci diiri arrak, kar vurra Tam<sub>u</sub>t<sub>a</sub>dden<sub>o</sub> ketted lokiko kaale wak gerzek utugu enne.

Evesos 2:8,9 Kar zin zoze necu, urubtau niga ruget bunnate ci Tam<sub>u</sub>t<sub>a</sub>dden<sub>o</sub> tuwenta, nonno ci atirizung oroot kommog baiz cunnong. Een necu mucu ci Tam<sub>u</sub>t<sub>a</sub>dden<sub>o</sub> ci aanyik eet ci diiri, irong aanyik goole ci ogone eeti kaal. Irong een goole ci alinglinge eeti ci diiri, illoi gii imma ci woye odonge eeti ele zoze necu.



Roma 10:9,10 Ming aduwa eeti utuge cinne zoz ci azi ne,  
“Een Yesu Manyi cinne,” kar bodok eeti kelema zinine  
cinne zoze ci ingane Tamutadden Yesu daiza, amuda atin  
enne tirizenet. Eci ming atuwe inna zinine cunne, elemnyi  
atin Tamutadden ize eet ci abunna, kar bodok ming aduwa  
utuge cunne een Yesu Manyi cunne, aruba atin inna  
tirizenet.

Jon 3:16,17 “Eci Tamutadden irez ol dook oroot, kar zin  
kaanyik Ngerinne wa ode tok niko keela nogo, ming anyak  
ol cik atu nonno, amuda atin nege ruget wa aave udu.  
Irong Tamutadden ittonak Ngerinne looc, kar kikiya ketted  
lokiko ci ollu, ittona abarik kar kikiya kuruguz ol.



1 Jon 5:11-13 Een necu zoz ci ibbac Tamutadden ko:  
Aanyet enne agit ruget ci aave udut, akku rugeti neci ngati  
Ngerinne. Ming atu eeti Ngerinne, anyak enne ruget. Imma  
ming irong eeti atu Ngerri Tamutaddeno, irong enne anyak  
ruget ci aave udut. Keherakkung anna iget ol wak atuyyu  
zar cik Ngerri Tamutaddeno ko, kar abunna ming aggayyu  
een rugeti ci aave udut ko cunnong.



Mateyo 1-2; Luka 1-2

Storyline by: Edward D. Hughes

Illustrated by: M. Maillot  
and Alastair Paterson

Adapted by: E. Frischbutter; Sarah S.

Tennet Bible (tex) © 2018, Wycliffe Bible Translators, Inc. All  
rights reserved.

<https://live.bible.is/bible/TEXWYI/GEN/1>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

